

Pyrazinamide: Kilen an ri-nañinmej eo bök/idaak wūnokan nañinmej in TB

Ta in Pyrazinamide?

Pyrazinamide ej wūno in wā eo kōjerbale ñan kōmadmōde nañinmej in TB. Ewōr ruo wūno in:

1. Ñan kōmadmōde kij in TB eo ekiki (latent).
2. Ñan kōmour jān nañinmej in TB (ñe bōke ippān wūno ko jet).

Kij in TB ko eļap aer kajoor im pen mañi. Kwōnaaj aikuj bōke/idaak wūno in 6 ļok ñan 12 allōñ ñan maroñ mañe aolep kijin TB (bacteria) ko im kōmour eok jān nañinmej in TB. Taktō eo aṃ enaaj kowaļok jete allōñ kwōnaaj aikujin bōke/idaak wūno eo. .

Eļmān aō bōke/idaak wūno in?

E menin aorōk bwe kwōn idaak wūno in aolep raan ak āinwōt an taktō eo aṃ karōke. Mōkaj im kōjjeļaik taktō eo aṃ ñe kwaar kabōjrak aṃ idaak wūno eo liṃōṃ. Ñe kwōlikjab jān juon iien idaak wūno, idaak ilo iien eo emōkajtata, ak emo bōke ruo alen lo juon wōt iien. Keememej im kōjjeļaik taktō eo aṃ kōn wūno ko kwōj idaak ak jabdewōt wūno kāal ko kwōj jiño idaak. Kajjioñ bōk wūno eo ilo an ejjeļok kobban lojiem. Ñe ej kaabñōñōik lojiem, bōke ippān ṃōñā. Kōnnaan ippān taktō eo aṃ ṃokta jān bōk wūno in ñe kwōbōrōro ak kwōj kaninnin lo ittūt. Kōkoṃ wūno PZA eo ijo eṃṃōļoļo im eṃōrā.

JAB idaak arkool/dānnin kadek ñe kwōj bōk wūno in. Kwōmaroñ naaj kōjorrāan aj eo aṃ.

Enañin aolep armej rej bōk wūno in iuṃwin ruo wōt allōñ ilo jinoin aer bōk kōmadmōd. Ilo tōrein, maroñ aikujin idaak wūno juon, ruo, ak jilu alen ilo juon raan, ekkar ñan an taktō eo aṃ karōke.

Ta jorrāan ko remaroñ waļok jān wūno in (side effects) im ij aikuj waji?

Enañin aolep armej rejjab būrabōļōm ilo aer bōk wūno PZA. Taktō eo aṃ enaaj aikujin waje wōt iok ilo aṃ idaak PZA. Jet jorrāan ko ékkā im remaroñ waļok jān wūno in rej:

- Lennab, jorrāan kil
- Dike ṃōñā

Ñe ewaļok jorrāan kein reļap jān wūno in (side effects), bōjrak jān idaak im kūrļok taktō eo aṃ.

- Mōļañļōñ/ṃōṃōjakeļok
- Kōļo metak loje/metak
- Mōk/dolin ṃōk
- Jil/marok kōlarin dānnin rawūt
- Emetak ak kūknaļnaļ addiin peiṃ im neem
- Eiiālo kil ak māj ko
- Piba iuṃwin jilu ak elōñļok raan

Jidik jipañ ñan kilen bōk wūnokan TB eo liṃōṃ:

- Bōk wūno ko liṃōṃ kajojo raan ilo ejja iien eo wōt, waanjoñok:
 - Mōkta jān kiki ak ilo jibboñ tata
- Kōjербal talboon eo aṃ ñan kakememej iok
- Kōjербal nien wūno eo ñan tarrin juon wiik
- Kōkaļleik kajojo raan ilo calendar eo ālikin aṃ bōk wūno ie
- Kajjitōk ippān juon nukwōṃ ak mōttaṃ bwe en kakememej eok